



## MARRËVESHJE BASHKËPUNIMI

**Për institucionalizimin e marrëdhënieve ndërmjet institucionit të Avokatit të Popullit dhe Institutit “Shtëpia e Drejtësisë dhe e Pajtitit Kombëtar”.**

Me qëllim që të realizojnë një veprimtari të përbashkët në respektimin, garantimin, forcimin dhe avancimin e mbrojtjes dhe marrjes seriozisht të çështjes “gjakmarrje” në Shqipëri; që të rrisin bashkëpunimin në drejtim të forcimit të zbatimit të legjislacionit, politikave të reja në fushën e rritjes së cilësinë e shërbimeve, për të ndaluar e parandaluar rastet e veprimtarisë arbitrare nga organet e administratës publike, si dhe për të kërkuar ndërhyrjen pozitive të shtetit sa herë që paraqitet nevoja për ndalimin e dhunës, diskriminimit apo paragjyqimit, lidhet kjo marrëveshje, si vijon:

**Palët,**

- 1. Avokati i Popullit, Z. Iglí Totozani,** me seli në Blv. “Zhan D’Ark”, Nr.2, Tiranë.  
dhe
- 2. Z.Agim Loci Drejtorit Ekzekutiv i Institutit “Shtëpia e Drejtësisë dhe e Pajtitit Kombëtar”,** me seli në Blv Zogu I-rë Qendra Tregtare “TIRANA”,Tiranë.

### **Neni 1**

#### **Objekti i Marrëveshjes**

Kjo marrëveshje ka për qëllim, institucionalizimin e bashkëpunimit të institucionit të Avokatit të Popullit me Institutin Shtëpia e drejtësisë dhe e pajtitit kombëtar, në kuadrin e punës së përbashkët dhe garantimit të realizimit të misioneve të përbashkëta vëzhguese në fokus fëmijët e familjet e ngujuara, zhvillimit të politikave dhe ligjeve në favor të këtij komuniteti luftës për eliminimin e diskriminimit për shkak të moshës, statusit, gjinisë, fesë, si dhe për avancimin e të drejtave të personave të ngjuar në Shqipëri, përfshirë ndër të tjera edhe avancimin e barazisë gjinore dhe pjesëmarrjes së grave në vendimmarrje, të minoriteteve dhe të të drejtave të njeriut në përgjithësi.

## **Neni 2**

### **Fusha e zbatimit**

1. Marrëveshja do të zbatohet midis palëve të lartpërmendura, në fushën e kësaj marrëveshje për të përmbushur objektin e saj.

2. Kjo marrëveshje do të konsistojë në:

- a) Ndërmarrjen e nismave të përbashkëta për propozime në kuadër të përmirësimit dhe ndryshimit të legjislacionit me fokus personat e ngjuar apo të prekur nga fenomeni i gjakmarrjes në përputhje me Kushtetutën e Republikës së Shqipërisë dhe Konventat e ratifikuara nga shteti Shqiptar në fushën e mbrojtjes së drejtave të njeriut.
- b) Referimin e rasteve konkrete, sipas nevojave të ankuesit/es, përfshirë edhe referimin e rasteve të ndërsjelltë midis Institutit "Shtëpia e drejtësisë dhe e pajtimit Kombëtar dhe institucionit të Avokatit të Popullit.
- c) Marrjen e iniciativave të përbashkëta për adresimin, referimin dhe zgjidhjen e rasteve konkrete, pranë organeve kompetente e gjykatave kombëtare, gjykatës Kushtetuese, si dhe organeve përkatëse ndërkombëtare.
- d) Angazhimin e organizatës për të informuar Avokatin e Popullit për çështjet dhe problematikat, si dhe përgjithësimet e dala nga raportet monitoruese, në lidhje me çështjet e fenomenit të gjakmarrjes.
- e) Shkëmbimin e rregullt të informacionit nëpërmjet organizimit të takimeve periodike, shkëmbimit të informacionit, vizitave të përbashkëta në terren, njoftimeve reciproke për raste të ndryshme që kanë nevojë për ndërhyrje dhe mbështetje.
- f) Organizimin e aktiviteteve të përbashkëta ndërgjegjësuere në nivel kombëtar, përfshirë edhe organizimin e fushatave të përbashkëta për ndërgjegjësimin e publikut.

## **Neni 3**

### **Koordinimi ndërmjet palëve**

1. Palët do të caktojnë një person kontakti, që do të jetë përgjegjës për zbatimin konkret dhe në rrugë operacionale të Marrëveshjes së Bashkëpunimit, si dhe për shkëmbimin e informacionit lidhur me të.

2. Komunikimi ndërmjet palëve do të jetë në formë shkresore. Për rastet kur palët kërkojnë një informacion të rëndësishëm dhe urgjent për t'u përcjellë, komunikimi mund të bëhet dhe në mënyrë elektronike dhe verbale, por në çdo rast përmes personave të kontaktit.

## **Neni 4**

### **Dispozitat e fundit**

1.Kjo Marrëveshje do të hyjë në fuqi në datën e nënshkrimit nga palët dhe do të mbetet në fuqi për një periudhë të pacaktuar.

2.Ndryshimet mund të bëhen me marrëveshje nga Palët nëpërmjet shkëmbimit të komunikimit me shkrim duke saktësuar datën e hyrjes në fuqi.

3.Çdo mosmarrëveshje krijuar mbi interpretimin ose ekzekutimin e kësaj Marrëveshjeje do të zgjidhet me mirëkuptim midis palëve.

4. Përveç parashikimit të paragrafit 1 të këtij neni, kjo Marrëveshje mund të përfundojë në çdo kohë nga secila palë, duke njoftuar paraprakisht 60 ditë para me shkrim, palën tjetër.

5.Marrëveshja hartohet në gjuhën shqipe, përgatitet dhe nënshkruhet në 2 (dy) kopje origjinale, njëra për ISHDPK dhe tjera për Avokatin e Popullit.

Avokati i Popullit

Igli TOTOZANI



ISHDPK

Agim LOCI  
Drejtor Ekzekutiv

